



**Ni Presidente
Dieter F. Uchtdorf**

Maikadua a Mammagbaga iti
Umuna a Panguluén

Apay a Kasapulantayo dagiti Propeta?

Gapu ta ay-ayaten ti Nailangitan nga Ama dagiti annakna, saanna a pinanawan ida nga agbiag iti daytoy a biag nga awan ti pangiturong ken pannarabayna. Dagiti pannursuro ti Nailangitan nga Amatayo ket saan a ti ordinario, mapadtuan, gagangay a kita a kas iti naingpis ti ti akkubna a libro a maalayo iti lokal a pagtagilakuan iti libro. Isuda ti pagsiriban ti kabilgan iti amin, mannakaammo ti amin a celestial a Nabiag a mangipatpateg kadagiti annakna. Maseknan kadagiti balikasna ket ti kasayaatan a palimed dagiti panawen—ti tulbek ti kinaragsak iti daytoy a biag ken iti umay a lubong.

Ipalgak ti Nailangitan nga Ama daytoy a pagsiriban kadagiti annakna iti daga babaen kadagiti katulonganna a propeta (kitaen iti Amos 3:7). Manipud kadagiti aldaw ni Adan, nakisaon ti Dios kadagiti annakna babaen kadagiti orakulo a nabilin a mangipalgak iti pagayatan ken balakadna kadagiti dadduma. Dagiti propeta ket naparegta a mannursuro ken kanyon a naisangsangayan a saksi ni Jesucristo (kitaen iti DkK 107:23). Kasao dagiti propeta saan laeng dagiti tao iti panawenda, ngem kasaoda pay dagiti tao iti amin a panawen. Isasaoda pay laeng aginnga ita dagiti balikasda kadagiti napalabas a siglo kas maysa a tulag ti pagayatan ti Dios kadagiti annakna.

Saan a maiduma ita nga agdama kadagiti panawen a napalabas. Maipada ti panagayat ti Apo kadagiti tao iti panawentayo kadagiti napalabas a panawen. Maysa kadagiti nagloriaan a mensahe ti Pannakaisubli ti Simbaan ni Jesucristo ket ti panagtultuloy ti Dios a pannakisao kadagiti annakna! Saan a nailemmeng kadagiti langit ngem makisasao ita kas iti pannakisaona kadagiti ununana nga aldaw.

Kaaduan iti ipalgak ti Apo kadagiti propetana ket naisangrat a manglapped iti panagladigittayo kas indibidual ken kas kagimongan. No makisasao ti Dios, Isu ket mangisuro, mangparegta, manggugor, ken mangballaag kadagiti annakna. No saan nga ikankano dagiti indibidual ken kagimongan dagiti pammilin ti Nailangitan nga Ama, ar-aramidenda ngarud ti panagpeggad ti pannubok, panagrigat, ken panagbannogda.

Ay-ayaten ti Dios ti amin nga annakna. Daya ti gapu no apay a sipapasnek nga agpakpakaasi kadatayo babaen kadagiti propetana. Kas iti panagtarigagaytayo iti no ania ti kasayaatan para kadagiti ipatpategtayo, kasta met iti panagtarigagay ti Nailangitan nga Ama iti no ania ti kasayaatan para kadatayo. Daya ti gapu no apay nakapatpateg unay dagiti pammilina ken no dadduma kasapulan unay. Daya ti gapu no apay a saannatayo a binaybay-an iti agdama no di ketdi itultuloyna nga

ipalgak ti pagayatanna kadatayo babaen kadagiti propetana. Ti gasattayo ken ti gasat ti lubongtayo ket agpan-nuray iti panagdengngeg ken panagtudio iti naipalgak a balikas ti Dios kadagiti annakna.

Dagiti saan a magatadan a pammilina iti sangkawat-an ket masarakan iti Biblia, iti Libro ni Mormon, iti Doktrina ken Katulagan, ken iti Perlas a Kapatgan. Mainayon pay, makisasao ti Apo kadatayo babaen kadagiti katulonganna, kas iti pannakisaonanto manen iti umay a sapasap a komperensia.

Iti amin nga agsiddaaw no maaramid ti kasta a banag—a mabalin nga agsaludsod, “Posible kadi a kasaonatayo ti Dios iti agdama?”—iti amin a pusok awi-senkayo nga “umay ken mangkita” (Juan 1:46). Basa-nyo ti balikas ti Dios a masarakan kadagiti nasantuan a kasuratan. Dumnggekayo iti sapasap a komperensia nga addaan lapayag a natallugod a mangdengngeg iti timmek ti Dios a naited babaen kadagiti propetana kadagiti ud-udina nga aldaw. Umaykayo, dumnggekayo, ken kitaenyo a sipupuso! Ta no agkalikagumkayo a manggun-od a “naimpusuan, nga addaan iti pudno a panggep, ken addaan iti pammati ken ni Cristo, iparangarang ti [Dios] ti kinapudnona kadakayo, babaen ti pannakabalin ti Espiritu Santo” (Moroni 10:4). Babaen daytoy a pannakabalin, ammok a sibibiag ni Jesucristo ket iturturongna ti Simbaanna babaen ti maysa a sibibiag a propeta, a kas ken ni Presidente Thomas S. Monson.

Kakabsat, makisasao ti Dios kadatayo iti agdama. Ket tarigagayanna a dumnggek ken agtungpal ti amin nga annakna. No aramidentayo daytoy, nawadwad a bendisionan ken itandudonatayonto, agpada iti daytoy a biag ken iti umay a lubong.

AGTUTUBO

Idauluan ti maysa a Sibibiag a Propeta

Ni Christy Ripa

Idi agtawenak iti 16, naaddaanak iti gundaway a dimmar-ay a personal iti sapasap a komperensia iti umuna a gundaway. Agnanaed idi ti pamiliak iti akinlaud nga Oregon, USA, ket nagmanehokami a napan iti Utah tapno dumar-ay iti komperensia ken tapno idagasmi ni manongko iti missionary training center.

Napanak iti komperensia nga addaan iti tarigagay a masuruan babaen ti Espiritu Santo. Kas bungana, imawatak iti parangarang manipud iti Espiritu a nalabit a saanko koma a naawat no diak insagana ti bagik.

Kabayatan ti maysa kadagiti sesion, timmakder ti amin ket kinanta ti himno ti kongregasion, “Guide Us, O Thou Great Jehovah.” Bayat ti panagkantami, naawis ti riknak a mangilawlaw iti panagkitak iti Conference Center. Inaramidko ket naawis ti imatangko iti bileg ti panagkaykaysa ti rinibu a tattao sadiay bayat ti panagitag-aymi iti timekmi nga agdaydayaw iti Dios.

Kalpasanna naaddaanak iti padas a nakariknaak kas iti narikna ni Nephi iti nakitana ti parmata maipapan itikayo ti biag, gapu ta imbaga kaniak ti Espiritu, “Kitaem” (kitaen iti 1 Nephi 11–14). Kinitak ni Presidente Thomas S. Monson ket nariknak nga adda panagkaykaysa ti Simbaan gapu ta idadauluannatayo ti maysa a sibibiag a propeta. Babaen iti saksi ti Nasantuan nga Espiritu, ammok a ni Presidente Monson ket pudno a propeta para iti aldawtayo, ken ammok nga idadauluan ni Jesucristo daytoy a Simbaan babaen kenkuana.



Pammati, Pamilia, Tulong

Annak a Babbai iti Pagariak

Adalenyoy daytoy a material, ken no maitutop, paglilinnawaganyo daytoy kadagiti kakabsat a babbai a sarungkaranyo. Usarenyo dagiti saludsod a mangtulong kadakayo a mangpapigsa kadagiti kakabsatyo a babbai ken mangaramid iti Relief Society nga aktibo a paset iti bukodyo a biag.

Annaknatayo a babbai iti Amatayo iti Langit. Am-ammonatayo, ay-ayatennatayo, ken adda planona para kadatayo. Paset dayta a plano ket iramanna ti yaay iti daga tapno mangsursuro a pumili iti nasayaat manipud iti dakes. No pilientayo ti agtungpal kadagiti bilin ti Dios, dayawentayo Isuna ken bigbigentayo ti pakaam-ammuan kas annak a babbai ti Dios. Tulongannatayo ti Relief Society a manglagip iti daytoy nadosan a tawid.

Ti Relief Society ken ti pakasaritaanna ket mangpapigsa ken mangsuporta kadatayo. Ni Julie B. Beck, sapaap a presidente ti Relief Society, kinunana: “Kas annak a babbai ti Dios, agsagsaganakayo para kadagiti agnanayon a panakaawag, ken addaan ti tunggal maysa kadakayo iti agnanayon a pakaam-ammuan, nakaparsuaan, ken pagrebbengan kas babbai. Ti balligi dagiti pamilia, dagiti komunidad, daytoy a Simbaan, ken ti napateg a plano ti pannakaisalakan ket agpannuray iti kinapudnoyo. . . . Insangrat ti [Nailangitan nga Amatayo] ti Relief Society a mangtulong a mangbuangay kadagiti taona ken mangisagana kadakuada para kadagiti bendision ti templo. Impasdekna ti [Relief Society] a mangsilpo kadagiti annakna a babbai

iti aramidna ken tapno agtultuloy ti tulongda iti panagbangon iti pagarianna ken panangpapigsa kadagiti pagtaengan ti Zion.”¹

Inikkannatayo ti Nailangitan nga Amatayo iti masinunuo nga aramid a tumulong a mangbangon iti pagarianna. Binendisionannatayo pay kadagiti naespirituan a sagut a kasapulantayo tapno mangileppas iti daytoy masinunuo nga aramid. Babaen ti Relief Society, addaantayo kadagiti gundaway a mangusar kadagiti sagsaguttayo a mangpapigsa kadagiti pamilia, mangtulong kadagiti agkasapulan, ken mangsursuro no kasano ti agbiag kas disipulo ni Jesucristo.

Ni Presidente Dieter F. Uchtdorf, Maikadua a Mammagbaga iti Umuna a Panguluen, kinunana maipapan iti kinadisipulo: “Babaen iti siaanus a panangsurottayo iti dalan ti kinadisipulo, ipakitatayo iti bagbagitayo ti tukad ti pammatitayo ken ti kinatallugodtayo a mangawat iti pagayatan ti Dios imbes a ti pagayatantayo.”²

Laglagipentayo koma nga annaknatayo a babbai ti Dios ket ikarigantayo ti agbiag a kas disipulona. No aramidentayo daytoy, tumulongtayo a mangbangon iti pagarian ti Dios iti daga ken agbalintayo a maikari nga agsubli iti sidongda.

Manipud iti Pakasaritaantayo

Idi maika-28 ti Abril 1842, kinuna ni Propeta Joseph Smith kadagiti kakabsat a babbai iti Relief Society: “Naipankayo itan iti maysa a kasasaad a pakabalinanyo ti agtignay a mayannurot kadagita a panagrikna nga inkabil ti Dios [kadakayo]. . . . No agbiagkayo a nasayaat a mayannurot kadagiti karbenganyo, saan a mapengdan dagiti anghel iti panangkadkaduada kadakayo.”³

Iti panangbigbig iti bileg ti Relief Society nga agserbi kadagiti dadduma ken mangtulong kadagiti indibidua a mangpapigsa iti pammatida, ni Zina D. H. Young, maikatlo a sapaap a presidente ti Relief Society, ket inkarina kadagiti kakabsat a babbai idi 1893, “No agsapulkayo a nasayaat iti bukodyo a puspuso masarakan-yonto, babaen iti tulong ti Espiritu ti Apo, ti perlas a kapatgan, ti pammaneknek maipapan iti daytoy nga aramid.”⁴

DAGITI NAGADAWAN

1. Julie B. Beck, “‘Daughters in My Kingdom’: The History and Work of Relief Society,” *Liahona*, Nob. 2010, 112, 114.
2. Dieter F. Uchtdorf, “The Way of the Disciple,” *Liahona*, Mayo 2009, 76.
3. Joseph Smith, iti *History of the Church*, 4:605.
4. Zina D. H. Young, “How I Gained My Testimony of the Truth,” *Young Woman’s Journal*, Abr. 1893, 319.

Manipud kadagiti Nasantuan a Kasuratan

Zacarias 2:10; Doktrina ken Katulagan 25:1, 10, 16; 138:38–39, 56; “Ti Kaamaan: Maysa a Waragawag ti Lubong” (*Liahona* ken *Ensign*, Nob. 2010, 129)

Ania ti Maaramidko?

- 1.** Kasano a matulongak dagiti kakabsatko a babbai a mangragpat iti potensialda kas annak a babbai ti Dios?
- 2.** Kasano a mayaplikarko iti biagko ti balakad ken dagiti bal-laag a naited kadagiti babbai iti Doktrina ken Katulagan 25?

Para iti ad-adu pay nga impormasion, mapan iti reliefsociety.lds.org.